

Athikele ya ID 18569

Karolo: Athikele ya Tlhabololo

Masaledi a a kokoantsweng a ditshwene-seka-batho Ka fa mabolokelo a ditheo a laolang masaledi a a kokoantsweng ka gone, a rotloetsang tirisanommo go le ditheo tse dingwe le go busetsa masaledi kwa dinageng tse a tlholegileng kwa go tsone

Tshobokanyo

Mo athikeleng eno, re tlotla ka fa Aforika Borwa e laolang ka gone masaledi a a kokoantsweng, le ka fa e neng ya tlhama seabe se ditheo di nang le sone sa go sireletsa masaledi a a kokoantsweng go feta dingwaga di le 100 fa di bapisiwa le gompieno. Dimusiamo le diyunibesithi di mo boemong jo bo thata jaaka fa di ntse di rarabolola mekgwa e e sa siamang ya botsamaisi jwa boithuta-marope le boithuta-masaledi a setho fa di ntse di leka go tliša phetogo le go tlosa bokolone gore di sireletse le go arolelana masaledi ano a a kokoantsweng. Re tlhalosa marara mangwe a a itemogelwang ke dimusiamo, diyunibesithi, le ke ditheo tse di nang le masaledi a a kokoantsweng fa di ntse di dira patlisiso ka tlholego ya batho, lefelo le masaledi a leng kwa go lone le gore a ka fitlhelwa jang, kgonego ya go a busetsa morago, go a busetsa kwa dinageng tse a tlholegileng kwa go tsone kgotsa go a fitlha gape ka fa tlase ga lefatshe, go tlhokomela masaledi le go tlhama diteng tsa thuto tse di kgonang go fitlhelesega tsa motlha wa segompieno.

Botlhokwa jwa tshobokanyo eno:

Dimusiamo, ditheo tse di nang le masaledi a a kokoantsweng le diyunibesithi di feditse lobaka lo lo leele e le tsone beng ba masaledi a a kokoantsweng a boithutamarope le a boithuta-masaledi a setho. Mo nakong e e fetileng, go somarela masaledi a a kokoantsweng go ne go amana thata le go buelela thuto ya bonetetshi e e neng e rotloetsa tlhaolele le go tšweledisetsa pele maikaelelo a bokolone. Dingwaga di le lekgolo morago ga moo, thuto eno e fetogile mme ga e ise e siame sentle ka botlalo. Go na le marara a le mantsi a go laola masaledi a a kokoantsweng, a tlhokomelo ya one kwa dimusiamong le go a kokoanya, go a busetsa kwa dinageng tse a tlholegileng kwa go tsone, le a ka fa re rutang le go abelana thuto ya tlholego ya motho ka gone. Ba ba le kang go rarabolola marara ano ba leka ka natla go dira gore batlhokomedi ba one e nne ba ba fetogileng le ba ba akaretsang batho ba bangwe botlhe mme gantsi ba dira jalo ka fa tlase ga maemo a a thata a loago le dipolotiki, fa ba ntse ba leka go sireletsa masaledi ano a rona ka nako e le nngwe le go a abelana le ba bangwe.

Mafoko a konokono: masaledi a a kokoantsweng kwa dimusiamong, go laola masaledi a a kokoantsweng, go a busetsa kwa dinageng tse a tlholegileng kwa go tsone, thuto ka tlholego ya motho, tlhokomelo ya masaledi